



Մ ՈՒՐԲ Զ ԱԿՈՐ ԱՌԱՋՆՈՐԴԱՆԻՍ ՄԱՅՐ Ե ԿԵՂԵՅԻ

ԱՐՏԱՔԱՄԱՆ ԿԻՐԱԿԻ
9 ՄԱՐՏ 2025

Կիրակնօրեայ Ընթերցումներ	Էջ 1
Ծանուցումներ	Էջ 5-7-8
Անդրադարձներ եւ Խորհրդածութիւններ	Էջ 6
Ողորմութեան Կանչ Մը (Շար. 35)	Էջ 7

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳԻՐՔԷՆ (33.2-22)

Ողորմէ՛ մեզի, Տէր, որովհետեւ քեզի՛ յուսացինք. անհաւատներու սերունդը կորուստի պիտի մատնուի, բայց դուն պիտի փրկես մեզ նեղութեան ժամանակ: Ժողովուրդները քու ասեղ ձայնէդ շէմեցան, հեթանոսները փախան քու վախէդ: Ինչպէս խառնիճն ու մարախը կանաչութիւնը կ'ոչնչացնեն, այնպէս յափշտակիչները պիտի թափին անոնց աւարին վրայ, եւ անոնք ծաղր ու ծանակ պիտի ըլլան: Սուրբ է մեր

Իմաստութիւնը, գիտութիւնը եւ աստուածապատկանութիւնը պիտի ըլլան այն գանձերը, որոնցմով պիտի արդարանանք:

Տէր Աստուածը որ բարձունքներուն մէջ կը բնակի. իրաւունքով եւ արդարութեամբ պիտի լեցնէ Սիրոնը: Այն ատեն հեթանոսները Օրէնքին ձեռքը

պիտի մատնուին, իսկ մենք մեր գանձերով պիտի փրկուինք. իմաստութիւնը, գիտութիւնը եւ աստուածապաշտութիւնը պիտի ըլլան այն գանձերը, որոնցմով պիտի արդարանանք: Այն ատեն ձեր կրած երկիւղները իրե՛նք պիտի կրեն. անոնք՝ որոնցմէ՛ դուք կը վախնայիք, իրե՛նք պիտի վախնան ձեզմէ՛.

պատգամաւորներ պիտի ղրկեն ձեզի՛ խաղաղութիւն ուղելով, դառնապէս պիտի լան եւ խաղաղութիւն խնդրեն, որովհետեւ անոնց ճամբաները իրենց աւարտին հասան: Այլ պիտի չվախնաք հեթանոսներէն. անոնց հետ ձեր դաշինքը վերջ պիտի գտնէ եւ ա՛յլ գանոնք մարդու տեղ պիտի չդնէք: Աշխարհը կը սգայ, որովհետեւ անչքացաւ. Լիբանանը մերկացաւ, Սարոնի դաշտագետինը տօթէն այրեցաւ, Գալիլիա եւ Կարմեղոս լերկ մնացին: «Հիմա պիտի ելլեմ, -կ'ըսէ Տէրը,- եւ պիտի ցոյց տամ իմ փառքս ու զօրութիւնս, եւ դուք պիտի տեսնէք ու հասկնաք թէ՛ զուր էր ձեր չափազանց ինքնավստահութիւնը եւ կրակը պիտի բնաջնջէ ձեզ: Այո, հեթանոսները պիտի այրին այնպէս՝ ինչպէս դաշտին փուշը կը կտրեն ու կրակը կը նետեն: Հեթանոսները պիտի լսեն ինչ որ ըրի, իմ ժողովուրդս պիտի ճանչնայ իմ զօրութիւնս»: Անօրէնները Սիրոնէն դուրս դրուեցան եւ արդէն դողը բռներ է ամբարիշտները. իսկ ո՞վ ձեզի պիտի պատմէ յաւիտենական կրակին մասին: Եթէ արդարութեամբ ապրիք եւ ուղիղը խօսիք, անօրէնութիւնն ու անիրաւութիւնը ատէք, ձեր ձեռքերը կաշառքէ հեռու պահէք, ոճրային առաջարկներ չլսելու համար ձեր ականջները խցէք եւ անիրաւութիւն չտեսնելու համար ձեր աչքերը փակէք, բարձր եւ հաստատուն ժայռի վրայ շինած կ'ըլլաք ձեր տունը. եւ այն ատեն ո՛չ հացի պակաս պիտի ունենաք եւ ոչ ջուրի. պիտի տեսնէք թագաւորը իր փառքով, ձեր աչքերը պիտի տեսնեն անոր անսահման

Տէրն է մեր հայրը, Տէրն է մեր դատաւորը, Տէրն է մեր իշխանը, Տէրն է մեր թագաւորը, Տէրն է մեր փրկիչը, ի՛նքն է որ մեզ պիտի փրկէ:

երկիրը, եւ դուք պիտի խոկաք Տիրոջ երկիւղին մասին: Այն ատեն, ալ ո՛չ մարդահամար կատարողներ պիտի գան, ո՛չ հարկահաւաքներ, եւ ոչ ալ ձեր ամրութիւնները լրտեսողներ: Ա՛լ պիտի չլսէք Ասորեստանի անբարտաւան առաջարկները, ոչ ալ անոր խուժողութ լեզուն, զոր կարելի չէ հասկնալ:

Ահաւասիկ Սիրոնը, մեր փրկութեան քաղաքը. ձեր աչքերով տեսէք Երուսաղէմը, ճոխութեան քաղաքը, յաւիտենապէս անշարժ վրանի մը պէս, որուն ո՛չ ցիցերը կը խախտին, ոչ ալ պարանները կը փրթին: Այնտեղ ձեր մէջ ներկայ պիտի ըլլայ Տէրը իր փառքով, եւ երկիրը ձե՛րը պիտի ըլլայ իր լայնահուն գետերով ու ջրանցքներով. ա՛լ օտարութիւն պիտի չներթաք եւ ձեր նաւերը պատերազմի պիտի չելլեն, որովհետեւ մեր մեծ Աստուածը այլեւս պիտի չլքէ մեզ: Տէրն է մեր հայրը, Տէրն է մեր դատաւորը, Տէրն է մեր իշխանը, Տէրն է մեր թագաւորը, Տէրն է մեր փրկիչը, ի՛նքն է որ մեզ պիտի փրկէ:

**ՊՕՂՈՍ ԱՌԱՔԵԱԼԻ
ՀՌՈՄԱՅԵՑԻՆԵՐՈՒՆ ԳՐԱԾ
ՆԱՄԱԿԷՆ
(12.1-13.10)**

Ուտի, եղբայրներ՝, քանի Աստուած այնքան ողորմած եղաւ մեզի հանդէպ, կ'աղաչեմ որ դուք ձեզ Աստուծոյ ընծայէք որպէս կենդանի զոհ մը՝ իրեն վերապահուած, որովհետեւ ատիկա է Աստուծոյ ուզած ճշմարիտ պաշտամունքը: Այս աշխարհի մարդոց վարմունքը մի՛ ընդօրինակէք, այլ նորոգուած միտքերով նոր մարդ եղէք, որպէսզի ձեր փորձառութեամբ ընտրէք

լաւը, գիտնալով Աստուծոյ կամքը, այսինքն՝ ինչ որ բարի է, ընդունելի է իրեն եւ կատարեալ:

...Քրիստոսի միացած ըլլալով՝ մեզի բոլորս մէկ մարմին եմք:

Ինծի տրուած Աստուծոյ շնորհքով հետեւեալ պատուէրը կու տամ իւրաքանչիւրիդ. մեծամիտ եւ ինքնահաւան մի՛ ըլլաք. ընդհակառակը, միշտ համեստ եղէք եւ միայն Աստուծմէ մեզի տրուած հաւատքին չափով գնահատեցէք դուք ձեզ: Ինչպէս մեր մարմինը բազմաթիւ անդամներ ունի, որոնց պաշտօնը նոյնը չէ սակայն, այնպէս ալ Քրիստոսի միացած ըլլալով՝ մենք բոլորս մէկ մարմին ենք: Թէպէտ որպէս անդամներ իրարու կապուած ենք, բայց Աստուծոյ շնորհքը իւրաքանչիւրիս տարբեր պարգեւ մը տուած է, զոր պէտք է գործածենք: Եթէ պատգամախօսութեան պարգեւը ունինք՝ պէտք է պատգամենք մեր հաւատքին համեմատ: Եթէ ծառայելու շնորհքը տրուած է՝ պէտք է ծառայենք: Եթէ ուսուցանելու ձիրքը ունինք՝ պէտք է ուսուցանենք: Եթէ յորդորելու կարողութիւնը ունինք՝ պէտք է յորդորենք: Իր ունեցածը ուրիշներուն բաժնողը առատօրէն թող բաշխէ: Վերակացու եղողը եռանդազին թող աշխատի: Ողորմութիւն ընողը խնդութեամբ թող ընէ:

Ձեր սէրը թող անկեղծ ըլլայ: Ատեցէք ինչ որ չար է եւ տեւաբար բարիին ձգտեցէք: Եղբօր պէս զիրար սիրեցէք գորովանքով: Յարգելու մէջ զիրար գերազանցեցէք: Եռանդազին աշխատեցէք առանց ծուլանալու: Ձերմեռանդ հոգիով Տիրոջ ծառայեցէք: Յոյսով ուրախացէք, նեղութեանց մէջ համբերող եղէք, յարատեւ աղօթեցէք: Կարիքի մէջ եղող եղբայրներուն օգնեցէք եւ միշտ հիւրասէր եղէք:

Օրհնեցէք ձեզ հալածողները. մի՛ անիծէք, այլ օրհնեցէք: Ուրախացողներուն հետ ուրախացէք եւ

լացողներուն հետ լացէք: Բոլորին հանդէպ նոյն վերաբերումը ունեցէք. մեծամիտ մի՛ ըլլաք, խոնարհ մարդոց ալ ընկերութիւն ընելու գիշեցէք, եւ դուք ձեզ իմաստուն մի՛ համարէք:

Բոլորին հանդէպ նոյն վերաբերումը ունեցէք.

Ոեւէ մէկուն չարիքին չարիքով մի՛ հատուցանէք: Զանացէք ընել ա՛յն ինչ որ բոլոր մարդոց աչքին բարի է: Որքան կրնաք՝ ամենուն հետ խաղաղ ապրեցէք: Սիրելիներ, երբեք դուք անձամբ վրէժ լուծելու մասին մի՛ մտածէք, այլ ձգեցէք որ Աստուծոյ բարկութիւնը ընէ ատիկա. որովհետեւ Տէրը Սուրբ Գիրքին մէջ կ'ըսէ. «Ի՛մս է դատելու եւ պատժելու իրաւունքը. ե՛ս պիտի հատուցանեմ», իսկ ուրիշ տեղ մը կ'ըսէ. «Եթէ թշնամիդ փաղցած է, հաց տուր իրեն. եթէ ծարաւ է, ջուր տուր: Այսպէս վարուելովդ արդէն ամօթը զինք կ'այրէ»: Մի՛ պարտուիր չարէն, այլ բարիով յաղթէ չարին:

Ամէնմարդպետական իշխանութեանց պէտք է հնազանդի, որովհետեւ առանց Աստուծոյ թոյլտուութեան իշխանութիւն չի կրնար ըլլալ, եւ գոյութիւն ունեցող իշխանութիւնները Աստուծմէ կարգուած են: Ուստի, ով որ իշխանութեանց կը հակառակի՝ Աստուծոյ հրամանին է որ կը հակառակի, եւ հակաառակողները իրենք զիրենք դատապարտութեան տակ կը դնեն: Իշխողները վախ չեն պատճառեր բարիք գործողներուն, այլ միայն չարագործներուն: Դուն կ'ողզե՞ս իշխանութենէն չվախնալ. բարիք գործէ, եւ անկէ գովասանք կը լսես. որովհետեւ Աստուծոյ պաշտօնեան է անիկա, քու բարիքիդ համար կարգուած: Իսկ եթէ չար գործես՝ վախցիր անկէ, որովհետեւ զուր տեղը չէ որ սուր կը կրէ. որպէս Աստուծոյ պաշտօնեայ բարկութեամբ կը դատէ եւ կը պատժէ չարագործները: Ահա թէ ինչո՛ւ պէտք է իշխանութեանց

հնազանդիլ. ո՛չ միայն պատիժէն զերծ մնալու, այլ մանաւանդ խիղճով հանգիստ ըլլալու համար: Ատոր համար է նաեւ որ իշխանութեանց տուրք կը վճարէք, որպէսզի իբրեւ Աստուծոյ պաշտօնեաներ շարունակեն իրենց այդ դերը կատարել: Հետեւաբար անոնցմէ իւրաքանչիւրին հանդէպ ձեր պարտաւորութիւնը կատարեցէք, տուրքը տալով անոր՝ որուն տուրք պէտք է տաք, մաքսը տալով անոր՝ որուն մաքս պէտք է տաք, հնազանդելով անոր՝ որուն հնազանդութիւն կը պարտիք եւ յարգելով ան՝ որուն յարգանք կը պարտիք:

Ոեւէ մէկու ոեւէ բանով պարտական մի՛ մնաք. միմիայն զիրար սիրելու պարտաւորութիւնը ունեցէք, քանի որ իր ընկերը սիրողը կատարած կ'ըլլայ Աստուծոյ Օրէնքը: Որովհետեւ Աստուծոյ պատուիրանները, «Մի՛ շնար, Մի՛ սպաններ, Մի՛ գողնար, Սուտ վկայութիւն մի՛ ըներ, Մի՛ ցանկար» եւ միւս բոլորը խտացած են սա միակ պատուիրանին մէջ. «Սիրէ ընկերդ քու անձիդ պէս»: Ով որ իր ընկերը կը սիրէ, չարիք չ'ըներ անոր: Ուրեմն սիրել՝ կը նշանակէ Աստուծոյ Օրէնքը լման գործադրել:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ (5.17-48)

Մ եր Տէրը Յիսուս Քրիստոս կ'ըսէ.՝ «Մի՛ կարծէք թէ եկայ Մովսէսի Օրէնքը կամ մարգարէներու ուսուցումները ջնջելու, այլ ամբողջացնելու: Հաստատ գիտցէք, որ բոլոր Օրէնքն ու մարգարէութիւնները կէտ առ կէտ պիտի իրականանան առանց բառ մը իսկ դուրս ձգելու, մինչեւ զայ այն օրը, երբ երկինքն ու երկիրը պիտի անցնին: Ով որ ամենափոքր պատուիրանն իսկ զանց ընէ եւ ուրիշներուն ալ պատուիրէ նոյնը կատարել, երկինքի արքայութեանը մէջ յետինը պիտի նկատուի: Իսկ ով

որ գործադրէ պատուիրանները եւ նոյնը ուսուցանէ, մեծ պիտի ըլլայ երկիրնքի արքայութեան մէջ: Կ'ըսեմ ձեզի, երկիրնքի արքայութենէն ներս կրնաք մտնել ա՛յն ատեն միայն, երբ Աստուծոյ պատուիրաններուն ձեր հաւատարմութիւնը փարիսեցիներուն եւ օրէնքի ուսուցիչներուն ունեցած հաւատարմութենէն աւելի ըլլայ:

«Լսեր էք որ անցեալին ըստած է. “Մի՛ սպաններ, որովհետեւ ան որ կը սպաննէ, պիտի դատապարտուի”: Իսկ ես կ'ըսեմ ձեզի. Ով որ առանց պատճառի իր եղբօր դէմ բարկանայ, պիտի դատապարտուի: Ով որ իր եղբայրը յիմար կոչէ, դարձեալ ատեան պիտի բերուի. կամ, ան որ իր եղբայրը անմիտ կոչէ, Գեհենի կրակին պիտի դատապարտուի: Եթէ զոհի սեղանին վրայ ընծադ Աստուծոյ մատուցանելու ատեն յիշես որ եղբայրդ վշտացած է քեզմէ, ձգէ՛ ընծադ սեղանին առջեւ, գնա՛ նախ հաշտուէ եղբօրդ հետ եւ ապա եկուր եւ ընծադ Աստուծոյ մատուցանէ:

«Երբ մէկը խնդիր ունի քեզի հետ եւ դատի կը կանչէ քեզ, սկիզբէն համաձայնութեան եկուր անոր հետ, երբ տակաւին ժամանակ ունիս. այլապէս քեզ դատաւորին կը յանձնէ, դատաւորն ալ՝ ոստիկանին, եւ բանտ կը նետուիս: Վստահ եղիր, թէ բանտէն պիտի չելլես մինչեւ որ տուգանքիդ վերջին դահեկանը չվճարես:

... ով որ ցանկութեամբ նայի ոեւէ կնոջ՝ արդէն իսկ իր սիրտին մէջ շնութիւն ըրած կ'ըլլայ անոր հետ:

«Լսեր էք որ ըստած է. “Մի՛ շնար”: Իսկ ես կ'ըսեմ ձեզի, թէ ով որ ցանկութեամբ նայի ոեւէ կնոջ՝ արդէն իսկ իր սիրտին մէջ շնութիւն ըրած կ'ըլլայ անոր հետ: Եթէ աջ աչքդ քեզ կը գայթակղեցնէ, հանէ՛ եւ

նետէ գայն, որովհետեւ նախընտրելի է որ անդամներէդ մէկը կորսնցնես քան ամբողջ մարմնով դժոխք նետուիս:

Եթէ աջ ձեռքդ քեզ կը գայթակղեցնէ, կտրէ՛ ու նետէ գայն, որովհետեւ, նախընտրելի է որ անդամներէդ մէկը կորսնցնես, քան ամբողջ մարմնով դժոխք նետուիս:

«Ըստած է նաեւ. “Ով որ իր կինը կ'արձակէ, անոր արձակման թուղթ թող տայ”: Իսկ ես կ'ըսեմ ձեզի. ան որ առանց պոռնկութեան պատճառի իր կինը կ'արձակէ, ինք պատճառ կը դառնայ անոր շնութիւն ընելուն: Նոյնպէս, շնութիւն ըրած կ'ըլլայ ան՝ որ կ'ամուսնանայ արձակուած կնոջ հետ:

«Լսեր էք նաեւ որ անցեալին ըստած է. “Երդմնագանց մի՛ ըլլար, այլ կատարէ ինչ որ երդուած էիր Աստուծոյ”: Իսկ ես կ'ըսեմ ձեզի. բնաւ երդում մի՛ ընէք, ո՛չ երկիրնքի վրայ, որովհետեւ Աստուծոյ գահն է, ո՛չ երկրի վրայ, որովհետեւ անոր ոտքի պատուանդանն է, ո՛չ Երուսաղէմի վրայ, որովհետեւ Մեծ Թագաւորին՝ Աստուծոյ քաղաքն է, եւ ո՛չ ալ քու գլուխիդ վրայ, որովհետեւ չես կրնար մագ մը իսկ ձերմկնցնել կամ սեւցնել: Պարզապէս ձեր այոն այո թող ըլլայ եւ ոչը՝ ոչ: Անկէ աւելին չարէն կու գայ:

«Լսեր էք որ ըստած է. “Աչքի դէմ աչք պիտի հատուցանես եւ ակոսայի դէմ՝ ակոսայ”: Իսկ ես կ'ըսեմ ձեզի. Մի՛ հակառակիր քեզի չարիք ընողին: Եթէ մէկը աջ երեսիդ ապտակ գարնէ՛ միւս երեսդ ալ դարձուր անոր: Եւ եթէ մէկը ուզէ քեզ դատի կանչել շապիկդ առնելու համար, բաճկոնդ ալ տուր անոր: Եթէ մէկը քեզ բռնադատէ մէկ մղոն միասին երթալ՝ իր բեռը շալկելու համար, անոր հետ երկու մղոն ալ գնա: Եթէ մէկը քեզմէ բան մը խնդրէ՛ տո՛ւր, եւ եթէ մէկը քեզմէ բան մը փոխ առնել ուզէ, երես մի՛ դարձներ:

«Լսեր էք արդարեւ որ ըստած է. “Սիրէ՛ ընկերդ եւ ատէ թշնամիդ”: Իսկ ես կ'ըսեմ ձեզի. Սիրեցէ՛ք ձեր թշնամիները,

որհնեցէք ձեզ անիծողները, բարիք
ըրէք ձեզ ատողներուն եւ
աղօթեցէք անոնց համար,
որոնք ձեզ կը չարչարեն
ու կը հալածեն: Այդպիսով
դուք ձեր երկնաւոր Հօր
զաւակները կը դառնաք,
որովհետեւ ան իր արեւը
կը ծագեցնէ թէ՛ չարերուն
եւ թէ՛ բարիներուն

... դուք
կատարեալ
եղէք,
ինչպէս
որ ձեր
երկնաւոր
Հայրը
կատարեալ
է:

վրայ եւ անձրեւ կը տեղացնէ թէ՛
արդարներուն եւ թէ՛ մեղաւորներուն
վրայ: Եթէ միայն սիրողները սիրէք,
ի՞նչ տարբերութիւն կ'ունենաք մե-
ղաւորներէն: Մեղաւորներն ալ նոյնը
չե՞ն ըներ: Նմանապէս, եթէ միայն
ձեր ծանօթները բարեկամ նկատէք,
հեթանոսներէն եւ մեղաւորներէն
աւելի ի՞նչ ըրած կ'ըլլաք: Անոնք ալ
նոյնը չե՞ն ըներ: Արդ, դուք կատարեալ
եղէք, ինչպէս որ ձեր երկնաւոր Հայրը
կատարեալ է»:

ՏՆՕՐՀՆԷՔ

Տնօրհներ փափաքող ընտանիքները,
թող բարեհաճին դիմել
Տ. Գառնիկ Աւ. Քինյ. Գոյունեանի,
հեռաձայնելով
514 909 5203 քիփն:

ՀՈԳԵՀԱՆԳԱՏԵԱՆ

Ձեր արձանագրութիւնները
նախօրօք կ'աճարե՞ծէք կ'աճողիւ՞ով
ԵԿԵՂԵՇՈՅ ԳՐԱՍԵՆԵԱԿ:

ՎՅԵԼԵՅԷ՛Ք

ԵԿԵՂԵՇՈՅ

ԴԻՄԱՏԵՏՐԻ ԷՁՐ

ԵՒ

ՁԵՐ ՀԱԲԱՆՈՒԹԻՒՆ ԵՎ յԱՅՏԵՅԷՔ
(like).

www.facebook.com/

SourpHagopChurchMontreal

ՎՅԵԼԵՅԷ՛Ք ՆԱ

ԵՒ

Ս. ՅԱԿՈՒ ԱՌԱՋՆՈՐԴԱՆԻՍ
ՄԱՅՐ ԵԿԵՂԵՇՈՅ ԿԱՅԷՁՐ՝
www.sourphagop.net

ԹԵՐԹԻԿԻ ՆԱԽՈՐԴ ԹԻԷՐՐ

ԿՐԱՔ ԳՏՆԵԼ

www.sourphagop.net

ԿԱՅԷՁԻՆ ԿՐԱՅ

ՍՈՅՆ ԹԵՐԹԻԿԻ Ե-ՆԱՄԱԿՈՎ

ԱՏԱՆԱԼՈՒ ՀԱՄԱՐ ՁԵՐ Ե-ՀԱՍՅԵՆ

ՈՒՊԱՐԿԵՅԷՔ

eglise58@sourphagop.com

Անդրադարձներ Եւ Խորհրդածույթիւններ

Չեկուցում Թիւ 7.- Ս. Պատարագի մասին դասախօսութիւններու շարքին նախորդ զեկուցումները կարելի է գտնել Կիրակնօրեայ Թերթիկի 22 Դեկտեմբեր 2024-ի, 12 Յունուար 2025-ի, 19 Յունուար 2025-ի, 26 Յունուար 2025-ի, 9, 16, 23 Փետրուար 2025-ի համարներուն մէջ: Անցեալ անգամ շարունակած էի Հայ եկեղեցւոյ Պատարագամատոյցին կազմութեան մասին դասախօսութեանս զեկուցումը, եւ ակնարկած Խտարով Անձեւացիի (10-րդ դար) «Մեկնութիւն Աղօթից Պատարագին»ով մեզի հասած Պատարագամատոյցին:

12-րդ դարէն ունինք Ներսէս Լամբրոնացիի «Մեկնութիւն Խորհրդոյ Պատարագին»: Ըստ Փառէն եպիսկոպոսի՝ «Լամբրոնացին ինքը դասաւորած եւ կազմած ըլլայ իր պատարագամատոյցը» Բարսեղ Կեսարացիի, Աթանասի եւ Յովհան Ոսկեբերանի Պատարագներէն օգտուելով (նշեմ, որ Աթանասի վերագրուածը Գրիգոր Նազիանզացիի Պատարագամատոյցն է): Ըստ եպիսկոպոսին՝ առաւելապէս Ոսկեբերանեանէն:

Չեմ կարծեր, որ Լամբրոնացի 24-25 տարեկանին, երբ ձեռնարկած էր Պատարագի իր մեկնութեան՝ անձնապէս Պատարագամատոյցի նոր համադրում մը կատարած էր: Ինք, կը կարծեմ, յարաբերաբար Անձեւացիի Պատարագամատոյցին արդէն ճոխացեալ (հաւանաբար Ներսէս Շնորհալիէ) Պատարագամատոյցին վրայ յաւելումներ ընելով՝ մեկնած էր: Իր յաւելումներէն ցարդ պահպանուածները. պատարագիչի զգեստաւորման աղօթքները, մուտքը, Ս. Բեմին վարը՝ ձեռքերուն լուացումը, մեղքերու խոստովանութիւնը, 26-րդ սաղմոսին փոխա-

սացութեամբ Ս. Խորան բարձրանալը, եւ Թափօր դառնալը: Այս յաւելումները առած էր Լատինական Պատարագէն: Լամբրոնացիի Պատարագամատոյցին մէջ, պատաշազիչ Ս. Խորան բարձրանալէն յետոյ կան Գրիգոր Նարեկացիի Մատեան Ողբերգութեանէն երկու աղօթք (Բան ԼԳ. 4 եւ 5): Արդեօք ի՞նք զանոնք ներառած էր Պատարագամատոյցին մէջ, թէ իրմէ առաջ՝ Ն. Շնորհալի՞ն:

Լամբրոնացիի Պատարագամատոյցը հասած է մինչեւ մեր այսօրուայ Պատարագին գրեթէ վերջաւորութիւնը: Վերջաւորութեան Աւետարանի ընթերցումը՝ 17-րդ դարուն աւելցած է:

13-րդ դարուն Յովհաննէս Արճիշեցի ամփոփելով Անձեւացիի եւ Լամբրոնացիի մեկնութիւնները՝ ինքն ալ Պատարագի մեկնութիւն մը գրած է, Պատարագամատոյցին վրայ «նոր բաներ» աւելցուցած է, եւ «գրեթէ կազմած է մեր այսօրուայ խորհրդատետրին նախատիպը» (ՓԵ): Իրմէ ետք՝ «նոր բարդում կամ խաթարումներ» եղած են: «Ե՛րբ, ո՛ր օրինակներու վրայ, ինչպէ՛ս եւ որո՞նց ձեռքով աւելցած են այդ օտար մասերը ԺԳ. դարէն ստղին, հայկական պատարագամատոյցին վրայ, որ վերջապէս ստացած է այսօրուան խորհրդատետրերուն խառն եւ բարդ վիճակը» (նոյն):

Առաւել տեղեկութիւններու համար՝ պարզ ընթերցողին օգտակար կ'ըլլայ կարդալ Չարեհ Արք. Ազնաւորեանի «Հասկնանք Մեր Պատարագը» գրքոյկը, լոյս տեսած Անթիլիաս, 2019-ին: (Նկատողութիւն մը՝ սոյն հրատարակութիւնը արժանի էր առաւել բծախնդիր խմբագրումի մը):

ԳՔ
(Շարունակելի 8)

ԶԱՏՎՈՒՄ ԻՊՈՒՅՐԱ

Ս. ՅԱՐՈՒԹԵԱՆ ՏՕՒԻՆ ԱՊԹԷ,
ՎԱՏԱՀ ԵՆՔ,

ՈՐ ԱԵՐ ԲԱՐԵՊՈՒՅՏ ԺՊՊՈՎՈՒՊԻՊ ԴԻՏԻ
ՉՊՈՒՆԱՅ
ՎԱՏԱՐԵԼՈՒ ԻԲՂԱԳԻՆԻ ԻՐ ԱՐՏԱԲՈՒՄ
ԱՌԻՐԱՏՈՒԹԻՒՆԸ:

ՀՐԻԱՆԴԱԵՐՈՒՄ ԱԾԵԼՈՒԹԻՄ

Բարեհաճեցէք հեռաձայնել

Արժ. Տ. Գառնիկ

ԱՆ. Քհնյ. Գոյունեանի.

514 909 5203 թիւին:



**ՈՂՈՐՄՈՒԹԵԱՆ ԿԱՆՉ ՄԸ
Աղօթքներ ճէւսարէն**

ՀԵՊԻՆԱԿ՝ ՀԷՆՐԻ ՆՈՒԲԸՆ

ԹԻՐԳԱՆՆՈՒԹԻՒՆ՝ ԿԱՐՕ ՄՐԿ. ՆՈՒՆՈՒՏԵԱՆՆԻ

ԼՈՒՍԱԲԵՐՆԵՐՈՒՆ ՀՎՄԱՐ

Քաղցր Տէր, թէեւ վանքի կեանքը լուռ ու խաղաղ է - օրերով՝ որոնք ծիսական կշռոյթով, եւ ներդաշնակ ու եղբայրական սիրով լի են համակերպութեամբ - բայց մարդոց մեծամասնութիւնը այս ժամանակը վախճանաբանական փորձառութեամբ կ'ապրի, ժամանակ մը՝ լեցուն վտանգներով ու սպառնալիքներով: Կորիզային պատերազմի կարելիութիւնը իրական է, աշխարհի շատ մը մասերուն

մէջ սովը կը շատնայ, օրաթերթերուն առաջին էջերուն վրայ բրտութեան ու ատելութեան լուրերը առաջնահերթ են, եւ միլիոնաւոր մարդիկ շուարած են՝ թէ ինչպէ՞ս պիտի դիմագրաւեն ուրիշ տարի մը, շաբաթ մը, կամ նոյնիսկ օր մը:

Այս գիշեր կ'աղօթեմ բոլոր անոնց համար, որոնք վկայ են քեզի՝ այս աշխարհին մէջ. հովիւներ, քահանաներ, ու եպիսկոպոսներ, մարդիկ ու կիներ՝ որոնք իրենց կեանքերը քեզի նուիրած են, եւ բոլոր անոնք, որոնք կը փորձեն Աւետարանի յոյսը բերել այս դարուս խաւարին: Անոնց քաջութիւն տուր, ուժ, յարատեւութիւն, եւ յոյս. անոնց սիրտերն ու միտքերը լիացուր ներկայութեանդ գիտութեամբը, եւ թող որ Անուանդ փորձառութիւնը ապրին՝ որպէս վտանգներէ ապաստան: Եւ ամենէն աւելին, Հոգիիդ խնդութիւնը տուր, որպէսզի ուր որ երթան եւ որուն որ հանդիպին, վանեն քօղը ընկճուածութեան, ճակատագրապաշտութեան ու պարտուողականութեան եւ նոր կեանք բերեն շատերուն, որոնք կ'ապրին մահուան մնայուն վախին մէջ:

Տէր, ընկերակցիր բոլոր անոնց, որոնք Բարի Լուրը կը բերեն: Ամէն:

(Շար. 35)

**ՄԻՋԻՆՔԻ
ԸՆՆԹՐԻՔ**

2որեքշաբթի. 26 Մարտ 2025
 Երեկոյեան ժամը 8.00
 Մոնթրէալի Հայ Կեդրոն
 Մուտքի սակ՝ 45\$
 5-12 տարիքի փոքրերու՝ 30\$

Տեղեր ապահովելու համար հաճեցէք
 հեռաձայնել կամ գրել՝
 Լէօն Արապեանին՝ 514 713-5366

Հաճեցի Անակնկալներ
Հաճեցի Անակնկալներ

ՄԵԾ ՊԱՅՈՑ ԼՍԱՐԱՆ ՅԵՏ ՀՍԿՈՒՄԻ ԺԱՄԵՐԳՈՒԹԻՒՆՆԵՐՈՒՆ

Սկիզբ ժամերգութիւններուն՝ երեկոյեան ժամը 7.00

2

Չորեքշաբթի, 12 Մարտին,
յետ Հսկումի ժամերգութեան
Չարեհ Արք. Ազնաւորեանի՝
«Մեկնութիւն Հայ Եկեղեցւոյ Հաւատամբի»
Գիրքը կը ներկայացնէ
Բրշ. Հրակ կիսարկ. Պանքեան

3

Չորեքշաբթի, 19 Մարտին,
յետ Հսկումի ժամերգութեան
Հաւատքի դաստիարակութիւնը ըստ
Հայ Եկեղեցւոյ Հաւատամբին
կը խորհրդածէ
Բրշ. Թորոս սրկ. Պապիկեան

5

Չորեքշաբթի, 2 Ապրիլ,
յետ Հսկումի ժամերգութեան
Ս. Հոգին **«որ խօսեցաւ յօրէնս եւ ի մարգարես
եւ յաւետարանս...»** եւ աղօթքը
կը խորհրդածէ
Բրշ. Կարօ սրկ. Նոյնուտեան

4

Միջիւն, Չորեքշաբթի, 26 Մարտին,
յետ Հսկումի ժամերգութեան
Բոլոր հաւատացեալներուն բաշխում
Չարեհ Արք. Ազնաւորեանի՝ **«Մեկնութիւն Հայ
Եկեղեցւոյ Հաւատամբի»** գիրքին Նուր՝
տ. եւ տիկ. Կարօ եւ Սայբի Շահինեանէ

6

Չորեքշաբթի, 9 Ապրիլ,
յետ Հսկումի ժամերգութեան
«Հաւատամբ...ի մի Սկրտութիւն»ը
եւ մանուկներու Սկրտութեան մասին
կը խորհրդածէ հովիւը՝
Արժ. Տ. Գառնիկ ԱԼ Զինյ. Գոյունեան

ԱՐԵՒԱԳԱԼԻ ԺԱՄԵՐԳՈՒԹԻՒՆՆԵՐ

Մեծ Պատից Հինգշաբթի Օրերուն
(13, 20, 27 Մարտ, եւ 3, 10 Ապրիլ)

Սկիզբ ժամերգութիւններուն՝
ժամը 11.00-ին

Ապա

Խորհրդածութիւններ

Նիւթ՝

«Տիրոջմէ Յիշուիլ, Յիշել Տերը»